

## → MUKA DUA



(FOTO FARIZUL HAFIZ AWANG/BH)

**Najib bersama Idris (dua dari kanan) menyaksikan penyerahan replika cek daripada Ketua Pegawai Syariah Kumpulan Bank Islam Malaysia Berhad (BIMB) Holdings Berhad, Mohd Nazri Chik (dua dari kiri) kepada Daing Nasir (kanan) pada majlis pelancaran pembinaan masjid UMP dan majlis raihan syawal di UMP kampus Pekan, semalam.**

# UMP diminta tumpu teknologi kereta api

→ PM mahu universiti sediakan modul Program Latihan Kemahiran Industri ECRL

**Fakta nombor**

**RM55  
BILION**

Kos projek ECRL, laluan dari Terminal Pengangkutan Bersepadu Gombak, berakhir di Wakaf Bharu, Kelantan

**Oleh Abdul Razak Raiff dan Amin Ridzuan Ishak**  
bhnews@bh.com.my

► **Peklan**

**D**atuk Seri Najib Razak mahu **Universiti Malaysia Pahang (UMP)** memberi tumpuan kepada teknologi kereta api bagi menyokong projek mega Laluan Rel Pantai Timur (ECRL) yang bakal dilancarkan September ini.

Perdana Menteri berkata, ia juga Petunjuk Prestasi Ujama (KPI) baharu perlu dicapai universiti teknikal berumur 15 tahun itu selepas mencatatkan banyak kejayaan dalam penyelidikan serta pembangunan (R&D) program berteraskan automotif.

"Kita mahu projek besar-besaran dan ikonik seperti ECRL mendapat soko-

ngan seluruh rakyat Malaysia, termasuk berkaitan kemahiran pembinaan dan penyelenggaraan rel dan kereta api.

"Jadi, kita mahu UMP menyediakan modul Program Latihan Kemahiran Industri ECRL, khusus berkaitan teknologi kereta api. Program ini akan mengambil masa enam bulan dan kumpulan pertama pelatih seramai 300 orang.

**Kursus jangka panjang**

"Bagi kursus jangka panjang termasuk peringkat diploma dan seterusnya, kita minta UMP perkenalkan pada masa akan datang" katanya pada majlis pelancaran pembinaan Masjid UMP di kampus utama universiti itu, di sini semalam.

Yang turut hadir, Menteri Pendidikan Tinggi, Datuk Seri Idris Jusoh; Ketua Setiausaha Kementerian itu,

Tan Sri Noorul Anuar Mohd Nur; Pengerusi Lembaga Pengarah UMP, Datuk Seri Mohd Hilmye Mohd Taib dan Naib Canselor/nya, Prof Datuk Dr Daing Nasir Ibrahim.

Najib yang juga Ahli Parlimen Pekan berkata, UMP bertanggungjawab membangunkan modul program latihan kemahiran itu memabtkan latihan, latihan profesional, latihan industri serta kemudahan R&D.

Perdana Menteri kemudian ke majlis berasingan di Universiti Automotif DRB-Hicom dan meluangkan masa lebih sejam meraikan sambutan Adiflitril bersama hampir 2,000 ibu tunggal dari seluruh negara.

Pada majlis anjuran Pertubuhan Ibu Tunggal Kebangsaan Malaysia (PITKM) itu, beliau yang juga Penanggalan PITKM, turut menyampaikan sumbangan kepada 20 ibu tunggal.